

# INUIT ATAQATIGIIT

## Inatsisartuni



12. september 2019

Inatsisartut Suleriaasianni § 37 imm. 1 naapertorlugu Naalakkersuisunut apequt imaattoq matumuuna saqqummiuppara.

### **Naalakkersuisunut apequt:**

- §37 naapertorlugu apeqummut 2019-246-imut akissummini Naalakkersuisut allapput aalajangiinissamut tunngavissat pisariaqartut tamaasa pigalugit imm. 21 Inatsisartut 15. November 2018 aalajangiifigigaat.**  
  
**- Naalakkersuisut uppersarsinnaavaat ilumuunnginnerarluguluunniit 15. November 2018 sioqqullugu misissuinernik Danmarkimiit USA-miilluunniit suliarineqarsimasunik Kangerlussuup siunissaa pillugu imaqartunik ilisimasaqarsimallutik?**
- Kangerlussuup siunissaa pillugu Danmarkimiit USA-miilluunniit suliarineqartunik misissuinernik suliaqarsimasinnaasunik 15. November 2018 sioqqullugu Naalakkersuisut ilisimasaqarsimagunik taava suna pissutigalugu tamanna Inatsisartunut ilisimatitsissutigineqarsimangila?**
- Naalakkersuisut suli aalajangiusimavaat imm. 21-ip 15. November 2018 Inatsisartunit suliarineqarnerani aalajangiinissamut tunngavissat pisariaqartut tamaasa aallaavigalugit pisimasoq?**
- Paasissutissanik allanik apeqummut tunngasunik Naalakkersuisut peqarpat?**

(Inatsisartuni ilaasortaq Sofia Geisler, Inuit Ataqatigiit)

### **Tunngavilersuut:**

Pingaartumik Kangerlussuup siunissaa pillugu pingaaruteqarsinnaasunik attuumassuteqarluartunillu paasissutissanik suli takkuttoqartuarpoq. Taamaattumik paaserusuppara Kangerlussuup siunissaa pillugu nalunaarusiamik Naalakkersuisut ilisimasaqarsimanersut, tamannalu 15. November 2018 sioqqullugu pisimanersoq.

Kissaatigivara apequtikka ullut suliffiusut qulit qaangiutinnginneranni akineqarnissaat.